

赞美春茶的诗句

1.
窗外茶梅几树斜，薄寒生意已萌芽。主人不作明朝计，愁绝无因见放花。
——刘克庄《九月初十日值宿玉堂七绝》
2.
风炉煮茶，霜刀剖瓜。暗香微透窗纱，是池中藕花。高梳髻鸦，浓妆脸霞。玉尖弹动琵琶，问香醪饮么。——米芾《醉太平·风炉煮茶》
3.
争得才如杜牧之，试来湖上辄题诗。春烟寺院敲茶鼓，夕照楼台卓酒旗。
浓吐杂芳熏巖崿，湿飞双翠破涟漪。人间幸有蓑兼笠，且上渔舟作钓师。
——王安国《西湖春日》
4.
长堤高柳带平沙，无处春来不酒家。野外光风偏拂马，市门残帖解开花。
新觞曲引诸溪水，旧寺岩垂几树茶。回首永和如昨日，不堪怅望晚天霞。
——徐渭《兰亭次韵》
5.
相逢只在万山阿，每愧才疎藉琢磨。昨日忽来明日去，会时常少别时多。
茶聊当酒匆匆话，诗为言怀细细哦。折得梅花须寄我，不然携杖早相过。
——杨公远《次韵别黄山中》
6.
乱飘僧舍茶烟湿，密洒歌楼酒力微。江上晚来堪画处，渔人披得一蓑归。
——郑谷《雪中偶题》
- 7.

萧萧客岁澹如家，耿耿青灯冻不花。窗外晓添梅意韵，田间春透麦精华。书来颇复怀归雁，杯散何繇觅画蛇。明日雪晴乡社去，辛盘随俗点春茶。——吴泳《客中和程丞相雪》

8.
越侯宾客有辉光，领袖今年得望乡。诗似拾遗留剑外，才如处士去河阳。到时晚荔论园买，旧日春茶洗盏尝。璧水同寮几人在，臙将书疏及沧浪。——曾几《送贺子忱参议之官闽中》

9.
武夷山上生春茶，武夷溪水清见沙。含溪嚼茶坐盘石，怅惆欲趁西飞霞。——陈宓《游武夷》

10.
门街大路久惯入，客馆萧萧荫寒竹。春茶自造始开尝，色味甘新气芬馥。——李复《玉泉寺》

11.
直向忙中得少休，一生缘分属清幽。好山不许寻常见，野水从教自在流。种竹养茶双碧重，有僧无客四时秋。当初著眼如低下，不识光芒射斗牛。——李新《留题华严壁》

12.
南涧茶香笑语新，西州春涨小舟横，困顿人归烂熯晴。天迴游丝长百尺，日高飞絮满重城，一番花信近清明。——惠洪《浣溪沙·送因觉先》

13.
去岁逢今日，雨寒田舍家。系驄乌臼树，烧眼杜鹃花。转坞泥塍滑，迷村草径叉。旋挑初出笋，漫掐自生茶。农斧穿桑鬢，牛童绾髻丫。乡园方在远，看及种胡麻。——梅尧臣《依韵和寒食偶书》

14.
路转溪山果大奇，茂林门径古苔滋。坐余沿石閒听水，茶罢巡檐遍读碑。飞白洒然前辈字，养鱼浴却向来池。草蒲葺葺仙人发，随我归来与静

宜。——张铤《宿西菩山明智寺诗》

15.

山茶有色笑江梅，无色江梅谢不才。莫言无色无才思，几许才从色上来。天际素娥能绰约，人间红袖恨徘徊。谁将玉质酡颜醉，绛雪朱丝解不开。——晁说之《胡季和送江梅山茶来》

16.

翠岩九曲老仙家，玉女峰头炼紫霞。纪海无人来跨鹤，天河有路可乘槎。春云细酿幔亭酒，夜雨初煎石鼎茶。久矣樵渔怀此志，吹箫闲看碧桃花。——孙士廉《题武夷》

17.

解语花枝娇朵朵，不为伤春，爱把眉峰锁。宜笑精神偏一个，微涡媚靥樱桃破。先自腰肢常袅娜，更被新来，酒饮频过火。茶饭不炊欠犹自可，脸儿瘦得些娘大。——赵师侠《蝶恋花·用宜笑之语作》

18.

茅舍晨鸡复暝鸦，暮年别自是生涯，贪眠久已遗人事，对酒犹能惜物华。出有儿孙持几杖，归从邻曲话桑麻。日长亦莫憎春困，小灶何妨自煮茶。——陆游《茅舍》

19.

寒日萧萧上锁窗。梧桐应恨夜来霜。酒阑更喜团茶苦，梦断偏宜瑞脑香。秋已尽，日犹长。仲宣怀远更凄凉。不如随分尊前醉，莫负东篱菊蕊黄。——李清照《鹧鸪天·寒日萧萧上琐窗》

20.

松下煮茶冰折玉，梅梢挂衲藓黏绿。莫侵石坞竹边行，行处明年减新竹。——戴栩《僧道晖疏泉叠石种松竹梅有诗求和次韵》

21.

缭绕寻泉远步迟，倦逢篱外敞庵扉。门前竹长云垂舞，岩下泉甘雪未飞。景物偏幽缘舍小，茶香看客为僧稀。相公房舍添人否，拟灌春园住翠

微。——王洋《同吴周朋高虞卿寻泉憩积暑下庵》

22.

春茶翠旗展，霜荔锦檐垂；笼山疏药圃，祖寺摘春茶。山沼松舟小，春茶石灶新；春茶雨后猿狙摘，晚食风前鸟雀过。——叶适《项君先有幽兴堂其子木即以名庵》

23.

宾主穆时全是妄，相逢迎送分阶巷。老胡不识警梁王，宝积摩尼欢喜藏。——释印肃《颂十玄谈·还源》

24.

有何不可，依旧一枚闲底我。饭饱茶香，瞌睡之时便上床。百般经过，且喜青鞋蹋不破。小院低窗，桃李花开春昼长。——朱敦儒《减字木兰花·有何不可》

25.

兀兀寄形群动内，陶陶任性一生间。自抛官后春多梦，不读书来老更闲。琴里知闻唯绿水，茶中故旧是蒙山。穷通行止常相伴，难道吾今无往还？——白居易《琴茶》

26.

到山春已晚，何更有新茶。峰顶应多雨，天寒始发芽。采时林狖静，蒸处石泉嘉。持作衣囊秘，分来五柳家。——梅尧臣《颖公遗碧霄峰茗》

27.

湖山胜处放翁家，槐柳阴中野径斜。水满有时观下鹭，草深无处不鸣蛙。箛龙已过头番笋，木笔犹开第一花。叹息老来交旧尽，睡来谁共午瓯茶。——陆游《幽居初夏》

28.

九日山僧院，东篱菊也黄。俗人多泛酒，谁解助茶香。——皎然《九日与陆处士羽饮茶》

29.

僧窗夜雨，茶鼎熏炉宜小住。却恨春风，勾引诗来恼杀翁。狂歌未可，且把一尊料理我。我到亡何，却听侬家陌上歌。——辛弃疾《减字木兰花·宿僧房有作》

30.

汝已去闽岭，茶酒犹粲然。买应从聚处，寄不下常年。洗涤卢仝椀，提携陆羽泉。无人分得好，更忆仲容贤。——曾几《造侄寄建茶》

31.

自古高人最可嗟，只因疏懒取名多。居山一似庚桑楚，种树真成郭橐驼。云子饭，水晶瓜，林间携客更烹茶。君归休矣吾忙甚，要看蜂儿趁晚衙。——辛弃疾《鹧鸪天·自古高人最可嗟》

32.

灯火看儿夜煮茶，琴丝香饼伴生涯，秋霜元不点宫鸦。十月好风吹雪霁，一天春意入梅花，寿星人指示仙家。——魏初《浣溪沙》

33.

风雨杳无人至，开门静里生涯。诗字蒲团经卷，烧香汲水烹茶。——雪浪法师《冶父山居》

34.

神草延年出道家，是谁披露记三桠。开时的定涵云液，鬪后还应带石花。名士寄来消酒渴，野人煎处撒泉华。从今汤剂如相续，不用金山焙上茶。——皮日休《友人以人参见惠因以诗谢之》

35.

病起萧萧两鬓华，卧看残月上窗纱。豆蔻连梢煎熟水，莫分茶。枕上诗书闲处好，门前风景雨来佳。终日向人多藉藉，木犀花。——李清照《摊破浣溪沙·病起萧萧两鬓华》

36.

竹树无声或有声，霏霏漠漠散还凝。岭梅谢后重妆蕊，岩水铺来却结冰

。牢系鹿儿防猎客，满添茶鼎候吟僧。好将膏雨同功力，松径莓苔又一层。——杜荀鹤《春日山中对雪有作》

37.

初离县日谋经宿，既到山中未忍回。公宇若无民事决，愿携茶器上山来。——邵雍《山中寄登封令》

38.

一灯细语煮茶香，云影霏霏满石床。万里梦魂形独在，十年诗力鬓俱苍。山空络纬秋青雨，水落蒹葭足夜霜。未会漆园观物意，酒阑犹发次公狂。——林景熙《答周以农》

39.

清清春泉了洞霞，石坛封寄野人家。草堂尽日留僧坐，自向前溪摘茗芽。——陆龟蒙《谢山泉》

40.

黔中桃李可寻芳，摘茶人自忙。月团犀脰斗圆方，研膏入焙香。青箬裹，绛纱囊，品高闻外江。酒阑传碗舞红裳，都濡春味长。——黄庭坚《阮郎归·黔中桃李可寻芳》

41.

城中势利如聚蛙，聒聒鼓闹穷两衙。忽闻携樽命真赏，如见地涌金莲花。况兹危亭跨高爽，极目四顾穷天涯。红蕖缭绕几数亩，盛妆翠盖相撑拿。与肩不换足已到，咫尺毕彼穷幽遐。居之自可换凡骨，不必饮露餐朝霞。堂堂露衢不户牖，非此非彼无追赊。幸时有酒共酩酊，不尔一啜先春茶。楸枰小小较胜负，往往笑语成欢哗。归来清风恐飘帽，月影已向西楼斜。长舒两脚就枕簟，一觉已听清晨笳。——郑侠《次韵种道行衙赏莲花》

42.

江北游人春未回，江南春色傍人来。茶经穀雨依稀绿，花接清明次第开。场上斗鸡金作距，槛前妆鉴玉为台。六朝风物今何在，莫负流年酒百杯。——夏竦《江南春日》

43.

西江一水活春茶，寒谷青灯夜拨花。人比建安多作者，诗从元佑总名家。
宫商迭奏弦边雁，鼓吹都惭井底蛙。身在天南心太史，几番搔首夕阳斜。
——郑天锡《江西宗派》

44.

忽忽春将暮，俄过三月三。草谁怜益母，花自媚宜男。乍到寻巢燕，初
眠上箔蚕。新茶与稚笋，乡味忆江南。——李祜《三月四日即景》

45.

十巡今止，乐事要须防极喜。烛影摇风，月落参横影子通。粗茶淡酒，
五十狂歌供宴寿。敬谢来何，再得寻盟后日多。——沈瀛《减字木兰花
·十劝》

本文链接：<https://duanjuziku.com/duanjuzi/6vvgewo2vo.html>